

四庫全書

子部

欽定四庫全書

子部
玉海卷九十三

詳校官給事中臣查善長

主事臣祁韻士覆勘

總校官進士臣朱 鈐

校對官學政臣翁樹棠

謄錄監生臣戴 瑛

原書作者朝代譌誤

欽定四庫全書

玉海卷九十三

郊祀

明 王應麟 撰

郊祀

下 卷謝附

魏景初洛陽圓丘

晉禮志魏景初元年十月

始營洛陽南委粟山為

圓丘以始祖帝郊配方丘以舜妃配天郊所祭則皇天

之神以太祖配地郊所祭曰皇地之祇以武宣后配宗祀文帝於明堂以配上帝十二月壬子冬至始祀皇皇

帝天子圓丘以始祖虞舜配房俎生魚陶樽玄酒

音頤和曰

魏承後漢正月祭天以地配

隋志郊丘議三卷魏太尉蔣濟撰

禮類

唐志魏氏郊丘三卷

儀注類

元魏太和十九年十一

月庚午如委粟山定圓丘

晉二郊

志武帝初受禪設壇場于南郊柴燎告類未有祖配泰

始二年正月詔曰有司前奏郊祀權用魏禮衆議紛互
遂不時定羣臣議五帝即天也王氣時異故殊其號雖
名有五其實一神明堂南郊宜除五帝之坐五郊改五
精之號皆同稱昊天上帝各設一坐地郊又除先后配
祀帝悉從之二月丁丑郊祀宣帝以配天宗祀文帝於
明堂以配上帝是年十一月紀十一
月巳卯有司又議奏古者
丘郊不異宜并圓丘方丘於南北郊更修立壇兆其二
至之祀合於二郊帝從之一如宣帝所用王肅議也

王肅

作聖證論言郊則圓丘圓丘即郊天體唯一安得有六天泰始之初定南北郊祭一地一天用肅之議武帝肅之外是月庚寅冬至帝親祠圓丘於南郊自是後圓丘

孫也

方澤不別立太康三年正月帝親郊祀皇太子皇弟皇

子悉侍祠

侍祠非前典也

十年十月詔曰四望非地則明堂上

帝不得為天也往者衆議除明堂五帝位云云其復明

堂及南郊五帝位元帝太興二年始議立郊祀儀用司

徒荀組議立南郊於建康城之巳地其制度皆太常賀

循所定多依漢及晉初儀注

宋志元年始更立郊兆

三月辛卯帝

親郊祀饗配之禮一依武帝始郊故事

江左不立明堂

是時尚

未立北壇地祇衆神共在天郊

郭璞南都賦時惟青陽云云升金軒撫太僕揚

六鑿齊八駮造廣場戾壇庭百寮山立萬乘雲縈延祝史肆玉牲登園丘揖太清禮羣望告皇靈天澄其氣日

昭其精宗皇祖而配祀增孝思之惟永

明帝太寧三年七月始詔立北郊

未及建

紀七月辛未詔曰郊祀天地帝王之重事自中興以來惟南郊未曾北郊四時五郊之禮都不

復設五嶽四瀆名山大川載在祀典應望秩者悉廢而未舉王者其依舊詳處

成帝咸和八年

正月追述前旨於覆舟山南立之是月辛未祀北郊始

以宣穆皇后配地魏氏故事非晉舊也成帝立二郊天

郊則六十二神五帝之佐日月五星二十八宿文昌北
斗三台司命軒轅星后土太一天一太微鈎陳北極雨
師雷電司空風伯老人凡六十二神也地郊則四十四
神五嶽四望四海四瀆五湖五帝之佐沂山嶽山白霍
鑿無閭蔣山松江會稽山錢唐江先農凡四十四神也
江南諸小山蓋江左所立如漢西京關中
小水皆有祭秩也二郊所秩官有其注 康帝建元元
年正月將北郊有疑議太常顧和表曰太始中合二至
之祀於二郊北郊之月古無明文或以夏至或同用陽

復漢光武正月辛未始建北郊此則與南郊同月中興
草創百度從簡合七郊於一丘憲章未備至咸和中議
別立北郊同用正月魏承後漢正月祭天以地配而稱
周禮三王之郊一用夏正於是從和議是月辛未南郊
辛巳北郊帝皆親奉牲用 宋志晉武之世或用丙或

用巳用庚以十二月丙寅南郊受禪又太始二年十一
月巳卯始并圓丘方澤二至之祀合於二郊三年十一
月庚寅冬至祠天郊於圓丘是猶用圓丘之禮非專祈

穀之祭故不用辛也晉武捨鄭而從諸儒是以郊用冬
至日江左以來皆用正月以傳云三王之郊各以其正
高堂隆云九日南郊十日北郊是為北郊可不以辛也

晉武郊以二月晉元禋以三月

王納之曰武皇用二月郊元帝以三月郊

晉以來間歲一郊明堂同日宋大明三年移北郊於鍾

山北原道西與南郊對後還舊處 通典宋大明三年

移郊兆於秣陵牛頭山西在宮之午地

移郊正午以定天位齊永

明元年立春前郊祀郊壇員兆外內起瓦屋形制宏壯

梁南郊為壇在國之南常與北郊間歲正月上辛行事
普通二年四月乙卯改作南北郊 陳元規議曰梁
南郊壇上徑十一丈下徑十八丈高二丈七尺北郊壇
上方十丈下方十二丈高一丈 梁簡文有南郊頌
潘岳閒居賦天子有事于柴燎以郊祖而展義張鈞天
之廣樂備千乘之萬騎

晉議立郊祀

華恒傳元帝拜太常議立郊祀尚書刁協國子祭酒杜

彛議須還洛乃修郊祀恒議漢獻帝居許即便郊柴宜於此脩立司徒荀組驃騎將軍王導同恒議遂定郊祀

隋圓丘

通典隋冬至日祀天圓丘五方上帝天文並從祀日月五星內官四十二座次官百三十六座外官百十一座衆星三百六十座五帝日月在丘第二等北斗五星十二辰河漢內官在丘第三等二十八宿中官在丘第四等外官在內壇內衆星在內壇外

唐南郊 圓丘 太史圓丘圖 祠令 從祀

星辰圖

通典武德初定令冬至祀天圓丘壇於京城明德門外

道東二里以景帝配五方上帝天文皆從祀

日月內中外官及衆

星皆從祀其五方帝及日月七座在壇第二等內官五
星以下五十五座在第三等二十八宿以下百三十五

座在第四等外官百十二座在外壇
之內衆星三百六十座在外壇之外

會要高祖南郊

一武德四年十一月甲申

太宗四

貞觀二年十一月辛酉五年十一月丙子十四年十一月甲子

朔旦冬至十七年十一月巳卯

高宗二

永徽二年十一月辛酉總章元年十二月丁卯

中宗一

景龍三年十一月乙丑 睿宗二先天元年正月辛巳南郊五月戊寅北郊 玄宗五開元

年十一月戊寅天寶元年二月丙申六載正 肅宗二乾

月戊子十載正月甲午十三載二月八日 代宗一廣德二年德宗四建中元年

元年四月甲寅元 貞元元年十一月癸卯六年十 憲宗一元和二年穆敬

一月庚午九年十一月乙酉 文宗皆一長慶元年正月辛丑寶曆元年正武宗二會

元年正月辛巳 宣宗一大中七年懿宗二咸通元年十

五年正月辛亥 僖昭宗皆一乾符二年正月辛卯龍紀元年十

年正月 庚午 與會要 志禮曰以禋祀祀昊天上帝此天也又曰兆

五帝於四郊此五行精氣之神也而鄭康成有六天之說後世莫能廢唐初貞觀禮冬至祀昊天圓丘正月辛日祀感生帝靈威仰于南郊以祈穀孟夏雩于南郊季秋大享于明堂皆祀五天帝高宗時禮官以謂太史圓丘圖昊天上帝在壇上而耀魄寶在壇第一等則昊天上帝非耀魄寶可知而祠令及顯慶禮猶著六天之說

通典永徽二年七月太尉無忌等奏

顯慶二年禮部尚書許敬宗議以為

六天出於緯書

會要二年八月十三日已巳無忌議

由是盡黜康成說而

南郊祈穀孟夏雩明堂大享皆祭昊天上帝

許子儒傳初太尉長

孫無忌議祠令及禮用鄭玄六天說唐家祀圓丘太史所上圖昊天上帝外自有北辰云云今祠令固守玄說

與舊式相違宜有刊正會要云吏部式唯有南郊陪位不別載圓丘今從鄭說圓丘之外別有南郊理宜改

革乾封元年詔祈穀復祀感生帝二年

十二月甲午

詔明堂

兼祀昊天上帝及五帝開元中起居舍人王仲丘議曰

五帝者五行之精所以生九穀也宜於祈穀祭昊天而

兼祭五帝月令大雩大享帝皆盛祭也而貞觀禮皆祭

五方帝顯慶禮皆祭昊天上帝宜兼用之以合大雩大

享之義既而蕭嵩等撰定開元禮雖未能合古而天神

之位別矣其配神之主武德中圓丘南郊方丘北郊以

景帝配祈穀明堂以元帝配貞觀初圓丘明堂北郊以

高祖配而元帝惟配感帝高宗永徽二年十月癸巳長孫無

忌等議以高祖配圓丘太宗配明堂通鑑云以高祖配五天帝太宗配五

人帝乾封二年十二月甲午詔圓丘方丘五方明堂感帝神州

皆以高祖太宗並配則天郊丘諸祠常以高祖太宗高

宗並配開元十一年十一月戊寅會要云十一月十六日親享圓丘中書

令張說衛尉少卿韋縉為禮儀使乃以高祖配而罷三

祖並配至二十年蕭嵩等定禮而祖宗之配定矣寶應元年

杜鴻漸等請以太祖景皇帝郊配乃罷高祖以景帝配通鑑廣德二年正月甲寅禮儀使鴻漸奏祀圓方丘

以太祖祈穀以高祖大雩以太宗明堂以肅宗配從之 會要開元十一年十一

月一日參定南郊之禮秘書少監賀知章中書令張說

等奏曰晉元建武二年定郊兆於建鄴之南郊去城七

里一壇之上尊卑雜位千有五百神臣等案祠令六典

十七卷八 五星以下內官五十三座中官一百六十座

曰祠令

外官一百四座衆星三百六十座臣勅史傳及星經舊

圖坐位升降頗錯今據尊卑升降又新加杠星等座總

三百一十九座并衆星三百六十九座具圖如左詔頒

於有司以為常式

又云顯慶二年八月十二日長孫無忌等議曰祠令及新禮並用六天之

義檢太史圓丘圖昊天上帝坐外別無北辰坐與鄭義不同請廢六天之說詔可

十五年六月

博士錢嘉會議引月令及祠令九月農功畢大享明堂

六典祠部冬至祀昊天於圓丘以高祖配焉又祀五

方帝日月於壇之第一等又祀內官五十五坐於壇之

第二等又祀中官一百五十九坐於壇之第三等又祀外官一百五坐衆星三百六十坐於內壇之內正月上辛祈穀於圓丘以高祖配祀五方帝於壇之第一等孟夏之月大雩於圓丘以太宗配 通典景雲元年十一月乙丑冬至祀圓丘 玄宗開元十一年十一月十六

日

舊紀
戊寅

親享圓丘命張說為禮儀使韋縉為副使賀知

章重定從祀星辰圖

見會要
及六典

革去東晉尊卑錯亂之失

志四成而成高八尺一寸下成廣二十丈而五減之

至於五丈而十有二陛者圓丘也八觚三成成高四尺
上廣十有六步設八陛上陛廣八尺中陛一丈下陛丈
有二尺者方丘也云云 神位之序祀圓丘五帝及大
明夜明在壇之第一等天皇大帝北辰北斗天一太一
紫微五帝坐並差在前餘內官諸坐及五星十二辰河
漢四十九坐在第二等十有二陛之間中官市垣帝坐
七公日星帝席天角攝提太微五帝太子明堂軒轅三
台五車諸王月星織女建星天紀十七坐及二十八宿

差在前列其餘中官一百四十二坐皆在第二等十二
陛之間外官一百五在內壝之內衆星三百六十在內
壝之外 會要建中元年正月五日親拜郊司天冬官
正郭獻之奏天皇大帝北極天一太一准星經及天寶
中勅並合升第一等制從之準開元禮並在第二等至
貞元元年一云二年十一月十一日親郊司天進圖勅令禮
官詳定太常卿漢中郡王瑀博士柳冕等請依禮為定
詔復依開元禮長慶元年正月饗太廟禮畢復齋於郊

壇行宮出朱雀門命宰臣行馳道中以備顧問 王勃
南郊頌上稽龍繇下閱龜謀屏翳清曉飛廉警旦奠惟
蒼壁藉用白茅風行電舉未寸景而浹九埏鸞旗曉引
葆吹晨吟山明野澈日降天臨青帝鳴琴朱靈會舞
徐彥伯南郊賦維帝唐八十有五載云云左日壑右星
圃於穆我皇纂戎而昌青氣搖社白雲入房陳大旅展
時事告紫宙之成功定皇天之寶位崇泰壇考星翼載
師清野土訓掃塵繚垣虹合參途電聯籠組帷以艾景

覆皇邸以慶煙啟端門警仙蹕雙鳳矯首六龍齊膝青
旆冒雲紅旌彗日鏘玉鸞之鳴轆按金椎之廣術呵風
伯令戒道制玄冥使司律此靈祇所以保綏昊天所以
宥密於是闢龍次幸蜺幃鶉烏司袞熊羆奉收皇帝乃
彰畫黻襲大裘端玉珽肅珠旒翼翼穆穆遂臻于園丘
躬孝享擁神休設天宗之六席援長發之二球盥以明
水薦以香羞陳蒼壁而歲事藉白茅而闡幽絜駢旌之
泔淡酌玄瓚之觶膠瑞氣蜿蜒於藪甸祥光熠爚於旌

罕三禫終獻萬祇呈醺擘太玄之神策張集靈之瑞典

張九齡傳玄宗即位未郊見

開元三年

九齡建言繼統之

主必有郊配敬天命報所受也願以迎日之至升紫壇

陳米席定天位

柳冕傳德宗既親郊

貞元六年十一月八日

重

祠事動稽典禮冕以吏部郎中攝太常博士與張薦徐

岱陸贄修飭儀矩帝疑郊廟每升輒去劔履及象劍尺

寸祝語輕重冕據禮以對 會要元和二年正月辛卯

郊饗獻之次景物澄霽及鑿輿就次則微雪大駕將動

則又止翌日御樓宣赦畢瑞雪盈尺

唐南郊合祭 漢圓丘合祭

志古者祭天圓丘在國南祭地方丘在國北以其類也
則天天冊萬歲元年親享南郊始合祭天地睿宗景雲
二年正月將郊有司議不設皇地祇位諫議大夫賈曾
議曰三輔故事祭于圓丘上帝后土位皆南面則漢嘗
合祭矣請合享天地如古祭禮官皆以為然睿宗將祭
地北郊曾議寢

記先天元年正月辛巳有事南郊五月戊寅有事北郊

玄宗定開

元禮天寶元年

二月二十日丙申

遂合祭天地于南郊

大赦

是時

神仙道家之說興建玄元廟二月辛卯親享玄元廟甲

午親享太廟丙申有事于南郊遂以為故事終唐世莫能改 杜甫上三大禮賦有事于南郊賦曰春官條頌

祇之書獻祭天之紀降帷宮之緜縞屏玉軌以蠶略衡牙鏗鏘以將集周衛轆轤而咸若月窟黑而扶桑寒田燭稠而曉星落雲函菑以張蓋春歲蕤以建杓 韓愈

元和聖德詩正月元日初見宗祖躬執百禮登降拜俯

乃以上車於郊用牡除于國南鱗筍毛簏廬幕周施開
揭磊砢獸盾騰挐圓壇帖晏天兵四羅旂堂婀娜駕龍
十二魚魚雅雅宵昇于丘奠璧獻竿衆樂驚作轟虺融
冶紫焰噓呵高靈下墮羣星從坐錯落侈哆日君月妃
煥赫嫫媼瀆鬼濛鴻嶽祇業莪飮羶燎鄴產祥降瑕鳳
皇應奏舒翼自拊帝車迴來日正當午幸丹鳳門大赦
天下滌濯剗硤磨滅瑕垢郊天告廟神靈歡喜紀元
和六年正月己丑朝獻太清
宮庚寅朝享太廟辛卯有事南郊大赦
會要元和十五年十二月間南

郊卜日否禮官奏禮令卜日天寶後先朝太清宮次享廟享天並不卜日

唐五郊

官志郊社令掌五郊社稷明堂之位 會要顯慶二年

八月十三日巳巳太尉無忌議請憲章姬孔取王去鄭四

郊迎氣存太微五帝之祀南郊明堂廢緯書六天之義方丘在祭地之外別有神州謂之北郊分地為二請合於一祀詔可

唐郊祀錄

德宗貞元中太常禮院修撰王涇考次歷代郊廟沿革之制及其工歌祝號而圖其壇屋陟降之序為郊祀錄十卷

志儀注類貞元九年上書目卷同

鄭有郊丘異祭六天之說王

有郊丘同祭一天之說

五使

南郊五使元和以前史籍不載長慶後禮儀使太常卿為之大禮使御史中丞為之

哀帝時中丞為儀仗使

梁以河南尹為

大禮使又有儀仗法物二使

以武將為之

後唐宰相為大禮

使兵部尚書為禮儀使中丞為儀仗使兵侍為鹵簿使
開封尹為頓遞使周以禮儀歸太常餘如故本朝依唐
制大禮儀仗頓遞用宰相及臺丞京尹餘使以學士尚
書而頓遞增橋道之名

乾德南郊行禮圖

南郊壇

從祀星辰圖

飲福宴

唐制每歲冬至圓丘正月上辛祈穀孟夏雩季秋大享

凡四祭昊天上帝五季典章散失建隆四年癸亥八月

庚辰朔

即乾德元年也

內出御札以十一月十六日甲子有事

南郊

有司言冬至近晦改用甲子

二日詔中原多故百有餘載禮樂

儀制不絕如綫宜講求遺逸稱朕寅奉之意於是宰相范質等討尋故事唯得唐天成中南郊鹵簿字圖考以今文頗為疏略違戾者多質等參定新本曰南郊行禮圖質自為序乙未上之凡壇壝牲器玉帛醴饌齋戒之制與祠官定儀以聞癸未以司徒范質為大禮使學士

承旨陶穀為禮儀使吏部尚書張昭為鹵簿使中丞劉

溫叟為儀仗使皇弟開封尹為橋道頓遞使

唐有禮儀判官五代

有大禮副使判官修裝法物使今皆不置命內臣諸司修飾法物興國九年七月癸丑始鑄郊禮五使印寶

儼撰樂章穀議旗常質與禮官議導駕袴褶衣六日太

常禮院言親郊嚴辨鹵簿儀仗

兵部

鼓吹笙歌

太常車輅太僕

晉輿繖扇

殿中省

祭器朝祭服諸司法物

少府監

八日詔太

常寺修飾南郊壇禮院定依古制四成十二陛三壇設

燎壇於內壇之外丙地高一丈二尺

在南薰門外又設皇帝更衣大次

於壇東外道東門之內道北南向己丑日司天監上新定南郊從祀星

辰圖十一月辛酉日十三宿齋崇元殿壬戌服通天冠絳

紗袍執鎮圭乘玉輅鹵簿前導赴太廟宿齋癸亥日十五

服袞冕執圭饗四室是夕陰翳及夜分開霽質明乘玉

輅赴南郊甲子合祭天地于圓丘以宣祖配初有司請以僖祖配

後從張昭議晉王亞獻秦王廷美終獻舊制帝升壇藉以黃褥象天地之黃道上

日朕潔誠事天不必用此命撤之禮畢百僚稱賀於行宮乘輦還御明

德門樓大赦改是年為乾德元年宣制畢御崇元殿百

寮奉玉冊上尊號曰應天廣運仁聖文武至德壬申大

宴於廣德殿上壽

號曰飲福宴

開寶元年十一月癸卯郊祀

改元受冊乾元殿四年七月甲子朔詔冬至郊祀

既平嶺南

行報謝禮

十一月戊午親饗太廟始用繡衣鹵簿己未合祭

圓丘九年幸西京四月庚子

三日

有事南郊

先是霖雨彌旬及己亥赴

齋宮雲物澄霽垂白之民相謂曰不圖今日親太平天子儀衛

禮志乾德元年始有

事南郊博士和峴言今月十六日親祀二十九日冬至

祀天祭不欲數望停南至之祀詔可四年九月詔徙圓

丘於舊壇之南五里去新城九里餘俄罷之 范質傳

乾德初上將有事圓丘以質為大禮使質與鹵簿使張
昭儀仗使劉溫叟討閱禮閣故事補其闕漏別定南郊
行禮圖上之上嘉獎由是禮文始備質自為之序禮畢

進封魯國公

實錄建隆四年八月乙未南郊大禮
使宰臣范質上新定南郊行禮圖

宋

祁圓丘賦占國南之七里得高丘之岬然自乾寓之初
闕保坤靈之不遷藹列聖以烝衍總萬靈而賓延晉考
卜乎委粟漢胙飾乎甘泉曾不得望我之末光絕炎遡

朱鳥以高蟠槩瑤魁而邪指休氣回復于其椒榮泉滋
滲乎其趾攘之辟之其菑其翳修之平之其坎其畷上
三陵而積高外四門而疏陞列道糊頰重營界紫合蕭
薌於欽柴塞天淵以隕祉 乾道五年秋九月太常少
卿林栗等言祀帝于郊在國之南就陽位也國家祀帝
者四春祈夏雩秋享冬報其二在南郊園壇其二在城

西惠照院望祭齋宮欲並即園壇以遵舊制從之

在京日孟

夏大雩別建雩壇於郊丘之左季秋大享有司攝事就南郊齋宮端誠殿

續禮部侍郎鄭聞等

言國初沿唐制一歲四祭昊天上帝於郊丘

祈穀大雩享唯明堂祀圜丘

明堂當從屋祭因循未正元祐六年從博士趙叡之請有司攝事乃就齋宮行禮元符元年又寓於齋宮端誠殿以此參之蓋既曰明堂當從屋祭故也今郊丘之隅有淨明寺遇明堂親饗則遵紹興三十一年已行典禮常歲有司攝事則依元祐臣僚所陳權寓淨明寺行禮庶合明堂之義從之

興國初再郊皆太祖配天及欲封泰山扈蒙建白以宣祖配天太祖配帝其後封禪禮輟雍熙之郊遂用蒙議至淳

化之春合祭圓丘以宣祖太祖同配如永徽故事

太平興國南郊頌 丹鳳樓大赦

太平興國三年十一月己未親饗太廟丙申合祭南郊
御丹鳳樓大赦乾元殿受冊國初以來南郊四祭及感
生帝皇地祇凡七祭並以四祖迭配上即位以宣祖太
祖更配於是合祭天地始奉太祖升侑殿直王操獻南
郊頌上悅之己酉以為太子中允六年十一月辛亥合
祭圓丘九年扈蒙議以宣祖配圓丘太祖配大享淳化

三年十月蘇易簡請祈穀神州大享以宣祖圓丘北郊
雩祀感生帝以太祖崇配從之十一月二十七日禮儀
使請祈穀壇設赤帝位罷感生之祀

淳化上辛祈穀

淳化三年十一月己亥

二十七日

公卿議來年正月二日上

辛行郊祀之禮從之

漢武以正月上辛祀甘泉
圓丘取齋戒自新之義

四年正

月庚寅朔親享五室辛卯合祭天地於圓丘以宣祖太
祖升配先是禮儀使蘇易簡言郊祀以宣祖侑神符嚴

父之義太祖光啟丕基以聖授聖謹按唐永徽中以高
祖太宗同配請自今郊丘親祀宣祖太祖同配又按唐
永泰中杜鴻漸奏云云諸儒以為得禮今欲孟春祈穀
孟冬祀神州季秋大享明堂以宣祖配冬至祀天夏至
祀地孟夏雩祀以太祖配從之御乾元門下制曰泰壇
燔柴國之大典上辛祈穀禮有舊章祇見上帝祈福天
宗癸巳上賦南郊宿齋五七言詩六首賜近臣乙未雨
雪作立春日瑞雪詩三首秘書監李至言自廟徂郊織

颺不搖羽衛如植升壇而星象炳煥訖事而雲氣鬱興
應門肆赦非煙可挹至道元年以繼遷叛詔用仲春十

二月丁亥詔來年正月十日有事南郊二年正月辛亥

親郊

太子亞獻越
王元份終獻

天禧初真宗祈穀南郊賈昌朝獻頌

道左

紀天禧元年正月辛亥
恭謝天地於南郊大赦

禮志景德三年十二月

陳彭年言來年正月上辛祈穀至十日始立春按

月令春秋傳當在建寅之月迎春之後自晉泰始二年

始用上辛不擇立春之先後齊永明元年立春前郊議

者欲遷日王儉啟云宋景平元年元嘉六年並立春前
郊遂不遷日其後吳操之又云應在立春後然則左氏
所記啟蟄而郊乃三代彝章王儉所啟郊在春前乃後
世變禮望常以正月立春之後上辛行祈穀之祀從之
天禧元年十二月禮儀院言立春後辛或正月上辛許
互用奏可 孝宗隆興二年詔十一月二十九日郊祀
十一月七日有司言乾德元年初郊冬至近晦改用十
六日甲子請改吉日十二月詔以元日正得上辛合魯

經啟蟄之文法周室用駢之禮蓋太宗行於至道猶漢
帝拜于甘泉乃以乾道元年正月辛亥朔親郊輿衛儀
仗十分去六止用六千八百八十九人 近晦而避者
乾德之事上辛之卜則淳化所行 啟蟄而郊飭周人
橐結之具奉牲以告協漢世竹宮之時 魯人祀帝用
駢剛於上辛漢代祀天歌青陽於肇歲 以元日祈穀
於帝遠參呂令之文以上辛用牡於郊近遵唐室之制
遵古用辛之義卜郊履端之初齋戒自新與萬民而

更始蕭脂載烈興嗣歲以祈豐 高皇初紀因上朔以
更中孝廟始元自新陽而度臘

至道南郊圖 咸平合祭

至道二年正月己酉親饗太廟辛亥合祭天地於圓丘

先是禮儀使宋白奏曰伏詳儀注朝饗太廟皇帝先請
盥洗後奠瓚其祀天地望先詣盥洗後奠玉幣上以問
呂端端言得禮之中遂從白議先一日庚戌上出次南郊齋宮詔有司

畫南郊圖初上顧左右瞻具車駕自廟出郊仗衛周列
千官奉引旌旗車輅相望無際郊祀之盛儀京邑之壯

觀因詔有司畫圖以獻凡為三幅外幅列儀衛中幅車輅及導駕官人物皆長寸餘又圖畫園壇祭器樂架警場青城別為圖以紀一時之盛令內臣裴愈石承慶於朝元殿集翰林畫工繪之仍命翰林學士承旨宋白監總再葺而畢咸平元年八月二日戊子宋白上之真宗詔以示輔臣藏之秘閣賜白雜綵銀器裴愈等緡錢各有差

畫待詔高元吉賜緡王延德為行宮使為南郊錄

咸平二年十一月丙

戊合祭天地於圓丘以太祖太宗配還御乾元門下制

曰天祚明德民懷有仁推千載之膺期實三靈之眷命
太祖以武功定亂御制萬方四登泰壇親行大禮太宗
以文德柔遠混成一統五奠玉爵合祭二儀

太祖四郊
太宗五郊

粵以冲人御茲宏厯奉三年無改之制臨一日萬幾之
繁而昊穹顧懷宗社垂祐歲時屢稔民俗阜安動植惟
和中外咸若若何涼德享此鴻休是用祇見祖宗展因
心之義對越天地申報本之誠俞受蕃禧均覃率土羣臣
上尊號御乾
元門受冊
南郊正位二配位二每位用犢一羊一豕

一五方帝每位用羊豕一日月神州每位羊二豕二從
祠七百三十七位皆不用牲並以上件羊豕分充用幣
帛七十八段天帝配帝日月五方帝神州外餘六十六
版 咸平五年詔三司省應奉雜物十萬六千計

景德郊壇神位圖 鹵簿記 南郊位版 天

禧大禮記

景德二年九月丁未上封者言郊丘天地神位版有司
臨時題書多不嚴肅望令重造詔鹵簿使王欽若與內

臣詳閱修製甲子欽若上言奉詔改造南郊神位版據
司天監文籍壇陛之上升降未使者數事漢郊祀志五
帝天神之佐今五帝在第一龕天皇大帝在第二龕與
六甲嶽瀆之類同處北極衆星所拱與尚書大理之類
接席帝坐天帝之尊今與二十八宿積薪騰蛇杵白之
類同在第三龕若以北極帝坐本非天帝蓋是天帝所
居則北極在二帝坐在三高下未等又太微之次少左
右執法子星之次少孫星詔禮儀使太常禮院司天監

同檢討詳定禮儀使趙安仁等言崇文檢討杜鎬陳彭年狀案開寶通禮天皇大帝即北辰耀魄寶也天以蒼昊為體不入星辰之列又郊祀錄壇之第二等祀天皇大帝北斗天一太一紫微五帝坐並差在行位前餘內官諸位及五星十二辰河漢四十九坐齊列俱在十二陛之間壇之第三等有中官市垣帝坐等十七坐並在前開元禮義羅云帝有五坐一在紫微宮一在大角一在太微宮一在心一在天市垣非直指天帝也又判司

天監史序狀太微垣十星有左右執法上將次將之名
不可備陳故總名太微垣星經舊載孫星而壇圖止有
子星辨其尊卑不可同位望以舊禮為定詔從安仁等
議欽若復上言鄭玄注周禮謂禮天者冬至祭天皇北
極也後魏孝文禋六宗亦升天皇列五帝之上天皇北
極帝坐孫星四坐臣已新製板位設天皇北極特升在
第一龕又設孫星位于子星之次帝坐如故欽若復上
言帝坐止三在紫微太微者已列第二等唯天市一坐

位第三詔特升在第二龕十一月乙巳朔欽若以南郊神位版呈於便殿壇上四位塗以朱漆金字餘皆黑漆第一等金字二等黃字三等以降朱字悉貯以漆押覆以黃縑帊上降階觀之即付有司禮儀使上新定壇圖禮儀使趙安仁上言郊壇神位今依儀注寫定望付司天監製為絹圖凡壇上神位四昊天地理太祖太宗也第一等神位八五方帝日月神州也第二等神位七十三北辰北斗至岳鎮海瀆也

北辰北斗天一太一五帝內座六位差在前五星十

二辰河漢暨內官四十九座岳
瀆十八座凡六十九位差在後
第三等神位百七十九

二十八宿至山林川澤也
二十八宿至建星天紀凡四
十五位差在前中官一百五

十九座山川二十座凡
一百三十四位差在後
內壇之內神位百三十五內壇

之外衆星三百六十總七百五十九座
第三等四帝黃
帝舊圖差在前

合在後五帝五岳河漢中鎮舊圖在第三
據儀注合在第二並請刊正從之
欽若又上鹵簿

記三卷是月丁巳合祭南郊
天禧元年正月辛亥奉

天書合祭天地正陽門肆赦天安殿上尊號二年正月

戊午欽若上天禧大禮記四十卷賜器幣
嘉泰三年

九月二十五日增太子星庶子星宋星感生帝四神位以張宏圖進南郊辨駁從其言也

祥符朝元殿行恭謝禮 恭謝壇

祥符五年十月二十四日戊午天尊降延恩殿後四日帝謂宰臣曰朕欲詣宮觀焚香以申恭謝遂以二十八日幸上清宮景德寺玉清昭應宮閏十月十九日壬午詔以十一月三日於乾元殿恭謝玉皇二十四日戊子內出薦饗玉皇聖祖太祖太宗配饗樂章十六曲文舞

曰發祥流慶武舞曰降真觀德二十九日癸巳奉天書
于文德殿行酌獻之禮十一月三日丙申五鼓奉天書
于朝元殿服通天絳紗乘步輦至殿門外大次改服袞
冕行事殿上北設玉皇位聖祖配坐在東太祖太宗在
西以相王元偓舒王元偁為亞終獻羣臣詣崇德殿稱
賀賜百官福酒帝作朝謝玉皇觀二鶴神雀詩三首近
臣畢和 六年八月庚申朔詔協吉春序卜勝神臯恭
建壇墮親謝天地朕以來年春正月己酉詣亳州太清

宮行款謁禮先於東京置恭謝壇如南郊之制戊辰司
天監請建於城東汴陽鄉七年正月十三日庚子禮院
言恭謝壇天地配帝等及內官五十四中官百三十九
外官百六嶽鎮海瀆十八請並供制幣二月十三日已
巳具鹵簿詣昭應宮宿于集禧殿翌日庚午帝服袞冕
詣太初明慶殿薦獻又詣二聖殿畢改服通天絳紗乘
玉輅赴太廟十五日辛未朝享十六日壬申奉天書升
壇恭謝天地祖宗並配司天言慶雲繞月祥風襲壇還

御乾元門肆赦癸酉帝作恭謝禮成七言詩賜近臣

天禧元年正月十一日辛亥有事南郊行恭謝禮御乾元門肆赦改元壬子作七言詩近臣咸和乙卯詣玉清昭應宮恭謝晏殊獻頌三年十一月辛未郊祀丁丑詣昭應宮行恭謝之禮己卯作大禮慶成五言詩

天聖築圓丘外壇

禮志天聖六年用判太常寺孫奭議築圓丘外壇周以短垣置櫺星門親郊則立表施青繩表三壇

明道天安殿太廟行恭謝禮 紹興景靈宮行

恭謝禮

明道元年十月二十三日以修宮室成詔以十一月六日天安殿恭謝天地次太廟恭謝二十二日太常請備大駕鹵簿乘輅十一月癸酉齋于崇德殿翌日甲戌天安殿設天地祖宗位登歌宮懸帝服袞冕行恭謝禮禮成備大駕玉輅詣太廟禮畢輦還御正陽門肆赦改元嘉祐元年五月甲申詔權罷南郊親祀以九月十二日

辛卯恭謝天地于大慶殿禮成御宣德門肆赦改元先是八月十五日甲子內出御製恭謝樂章下太常肄習

大觀四年九月二十二日至二十四日以冬祀禮成

恭謝于景靈宮西宮 建炎元年五月六日車駕恭謝

鴻慶宮紹興十三年十一月庚申冬郊祀景靈宮新成

十二月甲午行恭謝禮十九年十一月壬辰郊十二月

壬戌恭謝景靈宮癸亥亦如之甲子詣太一宮自是如

故事禮畢賜酒 恭謝非常禮始於祥符五年元豐詳

定所言恭謝藉田歷年不講大觀政和以後率以郊
祀禮成恭謝景靈東西宮遂為故事中興因之自紹興
十三年始

景祐崇祀錄 至和郊祀總儀

景祐三年七月己卯孫奭子瑜上崇祀錄二十卷詔送

史館

奭領太常做唐王涇郊祀
錄紀國朝典禮未奏而卒

至和二年判太常呂

公綽以歲祠六十一禘祫二祭其薦裸興俯玉帛彝器
菁茅醢醢鐘石歌奏集為郊祀總儀上之 祥符元年

登封太祖太宗配位比郊祀而斜置之其後南郊撰儀
既引祥符側置之禮又載西向北上之儀擇一而
從慶厯元年十月壬辰禮官呂公綽請南郊祖宗
之配以東方西面為定位 天聖二年十一月丁
酉祭圓丘御正陽門赦天下天安殿上尊號 景
祐二年十一月乙未郊三聖並侑嘉祐七年正月
詔南郊奉太祖定配 仁宗御集有欽崇禋祀記
三卷 呂源曰三歲之郊非祖宗制也太祖在位

十七年四行大禮乾德中歷六年方一講開寶四年南郊之後更五歲因平江南祭天地於洛京伸告謝之敬而已太宗自雍熙以來五年乃親耕又六年至淳化四年再行郊禋之禮是十年而一郊也太宗二十三年五講郊禮真宗率三年而一行仁宗明道元年恭謝天地于天安殿又謁太廟明年又親耕最為煩數自是三歲一郊遂為定制仁宗九見圓丘一歲春藉再祇合宮嘉祐元年恭謝大慶殿四年禘祭七年明堂蓋九年不

行郊禋

寶元南郊儀仗法物

寶元元年

即景祐五年

八月十六日庚辰御大慶殿門觀南

郊儀仗法物宰臣兩制預焉

皇祐南郊並配

紀皇祐二年五月甲申朔詔辨崇配之序定二祧之位
庚子禮官奏議南郊升侑上帝以太祖定配二宗迭配
詔恭依十一月乙未祀天地于圓丘皇祐五年八月壬

子詔南郊以太祖太宗真宗並配十一月己巳祀圓丘
嘉祐七年正月乙亥詔南郊以太祖配為定制 志景
祐二年五月詔太祖太宗真宗三廟萬世不遷南郊以
太祖為定配二宗為迭配親祠三聖皆侑歲時常祀至
日圓丘仲夏地祇配以太祖孟春祈穀夏雩祀冬祭神
州配以太宗孟秋感生帝配以宣祖季秋大饗配以真
宗慶厯元年呂公綽言歷代郊祀配位無側向真宗示
輔臣封禪圖配位斜置之其後未考定詔南郊祖宗之

配並以東方西向為定位七年禮儀使言四年郊已奉
太祖太宗配今合以太祖真宗配皇祐五年郊詔自今
南郊三聖並侑嘉祐元年九月大慶殿恭謝天地三聖
並侑六年諫官楊畋論水災繇郊廟未順下禮院言對
越天地神無二主唐垂拱中始用三祖同配至開元親
享遂罷之皇祐詔書南郊三聖並侑後迭配未幾復並
侑為定制雖出孝思然頗違經學士王珪等請如禮官
議七年正月詔南郊以太祖定配治平二年合祭天地

以太祖配 會要乾德元年以禧祖配淳化四年以宣

祖太祖咸平二年以太祖太宗景祐二年太祖太宗真

宗三聖並侑

又見宗廟類

建炎二年以太祖配紹興十三年

太祖太宗配

熙寧郊祀總要

熙寧四年楊傑為禮官識諸司所職祠事為郊祀總要

一卷

詳見後

熙寧南郊殿宇 端誠殿 熙成殿

熙寧七年九月二十四日戊申中書門下言準詔參定南郊青城內殿宇門名請大內門曰泰禋東曰承和西曰迎禧正東曰祥曦正西曰景曜後曰拱極東側門曰寅明西曰肅成大內曰端誠東西門曰左右嘉德便殿曰熙成從之

元豐分祭 元祐合祭 圓丘六議

神宗詢合祭是非熙寧十年十二月甲午詔黃履與禮官講求之元豐元年正月戊午置局詳定郊廟禮文二

月六日詳定郊廟禮文陳襄言謹按周禮大司樂以圜
鍾為宮冬至於圜丘奏之六變以祀天神以函鍾為
宮夏至於方丘奏之八變以祀地示夫祀必以冬日
至者以陽氣來復於上天之始也故宮用夾鍾于震之
宮以帝出乎震也而謂圜鍾者取其形以象天也祭必
以夏日至者以陰氣潛萌乎下地之始也故宮用林鍾
于坤之宮以萬物致養乎坤也而謂函鍾者取其容以
象地也漢元始中姦臣妄議附會周官大合樂之說謂

當合祭平帝從之天地共犢禮之失自此始由漢迄唐

以五月親祠北郊者惟四帝而已如魏文帝太和周武

帝建德隋高祖開皇唐睿宗先天皆希闕一時之舉也

自漢元始合祭後漢光武魏黃初東晉元帝唐武后以來皆因仍之本朝未克釐正臣謂

南北二郊當別祀

襄初請親祀之歲夏冬疊舉二祀李清臣請用漢五供之制親祀之歲宿

廟以告宿北郊以祭宿南郊以祀止以一時王存請以孟冬純陰之月陸佃請用魯三望之制即圓丘之北別祀地示張璠請盛禮容具樂舞遣冢宰攝事三年五月甲子詔更加講求四年四月己巳詔

罷南郊合祭天地親祠北郊如南郊儀不親祠以上公

行事樂舞如親祠

時李清臣上議惟陳薦援成命之詩媪神並况之章以為不始於莽宜仍

舊曾肇請損儀衛之虛文以夏至日躬款北郊

六年五月甲申禮部太常上親

祭及攝事儀七月庚申築方丘

三成四陛壇高一丈四尺

十一月丙

午祀天圓丘遂不復設地示位

甲辰朝獻景靈宮乙巳朝饗太廟丙午祀天圓

丘以太祖配

元祐七年五月十七日右丞許將言冬至親

祠夏至遣上公則地祇永不在親祠之典此大闕禮不

可不議始詔侍從禮官集議顧臨等八人議宜如祖宗

故事合祭范純禮等二十人議請依先朝詔旨杜純請

於苑中望祠上公攝事舉權火望拜王欽臣請並祭一

次孔武仲請孟冬詣北郊親祠

九月戊子議

九月十二日壬

辰進呈臨等議蘇頌曰仁宗九郊合祭先皇四郊三郊

合祭惟元豐六年禮文所參議止祀上帝北郊雖定儀

注未及施行今南郊望準故事范百祿曰先帝之詔所

宜遵守十四日再進呈頌曰皇帝初郊而不祀地恐未

合古請依熙寧十年合祭鄭雍亦主合祭太皇宣諭曰

皇帝未親祀合祭不為無名十八日戊戌詔今歲圓丘

依熙寧十年故事設皇地祇位以申始見之禮

一云九月二十

二日詔書
集官詳議

十一月癸巳郊合祭天地八年二月二十五

日壬申禮部尚書蘇軾引詩昊天有成命郊祀天地為

合祭明文發六議以難議臣

集云三月上圓丘合祭六議二十二日乞集議之日

畫一難臣六議
明者可否之狀

四月十一日丁巳詔罷集議

范百祿執議不從威

陶宇文昌齡
亦主分祭

紹聖元年五月甲寅張商英請詳議戊午

黃履盛陶等請罷合祭二年正月辛亥詔侍從臺諫禮

官議王古李琮并亮采常安民主合祭范純禮林希黃

履等乞罷合祭盛陶乞如王存議以十月親祀豐稷請

望祭三年正月二十七日戊午詔罷合祭以夏至親祭

于北郊然未嘗行建中靖國元年八月甲午詔權合祭天地

于圓丘起居郎周常以合祭為非禮丙辰詔權罷合祭

十一月庚辰合祭圓丘崇寧三年十一月丙申祀天圓

丘

元豐圓丘三壇 南郊增損式

元豐元年十一月二日詳定禮文所言東漢壇位天神

從祀者一千五百一十四故外設重營以為限唐因齊
隋制為三壇所以序祀事也國朝郊祀壇域率循唐制
儀注具載圓丘三壇每壇二十五步而有司乃以青繩
代內壇不足以等神位請除去青繩如儀注為三壇從
之三年正月二十七日集賢校理黃廉上編修南郊
增損式

元豐祀圓丘

元豐六年

癸亥歲

十一月丙午祀昊天上帝于圓丘以太

祖配始罷合祭天地

改曰冬祀

帝服大裘被衮冕以出自元

豐元年命陳襄等詳定郊廟奉祀禮文大正歷代典禮之失至是祀天之儀粲然一新天下稱慶赦文云齋戒端誠之宮清肅禮神之圉陟配烈祖對侑昊穹 元祐

七年推本建隆之舊章復舉熙寧之故實裸八室合兩儀 劉侁進元符南郊大禮賦 建炎二年十一月二

十二日祀昊天圓壇以太祖配

築壇揚州南門內

紹興郊祀儀注

圓丘

見祠壇

建炎二年初郊用元豐禮祀天以太祖配御札曰世祖
建武二載始立郊位之規肅宗乾元初年嘗行禮祀之
典紹興十三年癸亥三月丙午築圓丘六月九日御札

曰四涓路寢之筵久曠圓壇之禮見祖禰於諸室合丘

澤之一祠十月丙戌

十三日

禮官修郊祀大禮儀注

警戒致齋

奏告陳設車駕詣青城省牲器奠玉幣皇帝行事升壇
進熟亞終獻飲福望燎瘞還大次端誠殿受賀還內

十一月戊午上服袍履乘輦朝獻景靈宮己未朝饗太
廟上服通天冠絳紗袍乘玉輅齋于青城庚申日南至

合祀天地于圓丘太祖太宗並配自天地至從祀諸
神凡七百七十有一設祭器九千二百有五鹵簿萬
二千二百有二十人初備五輅以黑繒為大裘蓋元
祐禮也赦文云度土之陽迎日之至建太常而遵玉
路被大裘而執鎮圭對越天地並侑祖宗筮授泰元
繼黃帝之正統運迎甲子符藝祖之始郊歲用癸亥與
藝祖初郊合
符十二月甲午乙未以郊禮畢恭謝景靈宮十六年赦
文云染盛蠲潔出於耕藉之藏筍簏周環冠以景鍾之

奏十九年二十二年二十五年二十八年郊祀凡七

慶歷四年十一月二十五日赦文云蓋當居降祥之地而懼其咎席已安之勢而念其危弗徇非彛弗為無益

乾道德壽宮行飲福禮

隆興二年九月丁亥詔郊祀宜進胙慈闈令有司具儀

注乾道元年正月辛亥朔祀圓丘上率羣臣詣德壽宮

行飲福禮

六年十一月壬午淳熙三年十一月癸丑同

乾道元年赦文云

進玉卮而介親壽偕椒屋以慶母慈九年赦文云壽慈

極以稱觴

宋朝親郊

太祖南郊四

乾德元年開寶元年四年九年

太宗南郊五

太平興國三年六年雍熙

元年淳化四年至道二年

真宗南郊五

咸平二年五年景德二年天禧元年三年

東郊一

祥符七年仁宗南郊九

英宗一

神宗四

哲宗二

徽

宗八 高宗七

孝宗六

光宗一

寧宗三

理宗

寶慶三年十

一月六日

謙德

乾德元年十一月甲子南郊將升壇有司具黃褥為道上命撤之還宮將駕金輅上曰於典故可乘輦否乃乘輦慶厯元年帝不御小次徹黃道易拜褥用緋自後皆然志 治平二年十一月壬申祀圓丘故事親祠皇帝將就版位祠官皆回班嚮上詔勿回班又侍臣跪讀冊至御名則興亦詔勿興 熙寧元年十一月丙戌齋于郊宮罷登青城門及幸園苑丁亥祀圓丘徹黃道褥不御小次命侍祠官勿回班以致敬

省約

乾德元年八月一日御札務從省約無至勞煩不得以
進奉率斂庶遵儉德以奉嚴禋 天聖五年七月二十
八日詔乘輿服御合雅飾者減省簡約 熙寧元年七
月四日御札供奉所須務令淳約不忘孝思又詔乘輿
服御務從簡約 隆興二年正月一日詔遵皇祖之典
崇儉德戒勞民除事神儀物諸軍賞給依舊制外其乘
輿服御及中外之費並從省約 寶慶三年御札藝祖

肇裡戒率斂以遵儉德孝皇初祀從省約而去虛文仰
企先猷普存民力 曾肇議經費曰景德郊費六百萬
皇祐一千二百萬治平一千三十萬 朝野雜記渡江
後郊賞建炎二年用錢二十萬緡金三百七十兩銀十
九萬兩帛六十萬匹絲綿八十萬兩皆有奇 咸平五
年詔三司非裡祀所須並減省是歲減應奉雜物十萬
六千計

六月上甲始庀牲十月上甲始繫牲

穀梁傳

寅威寶命

嚴恭帝祖有牲在滌有絜在俎維聖饗帝維孝饗親皇
乎備矣有事上春金枝中植廣樂四陳陟配在京降德
在民奔精昭夜高燎煬晨月御案節星驅扶輪百神
翳其備降皇剡剡其揚靈羲和司日顏倫奉輿奮
六經以攄頌酌允鑠肴樂胥歌投頌吹合雅淳濯饗
醴春官條頌祇之書獻祭天之紀大孝備矣休德
昭明高張四縣樂充宮庭金支秀華庶旄翠旌七始華
始肅倡和聲神來宴娛熙事備成清思勗勗經緯冥

冥 大矣孝熙四極爰轉王侯秉德其鄰翼翼行樂交

逆蕭勺羣慝 孝奉天儀 師象山則蠻夷竭歡象來

致福 孔容翼翼子孫保光 世曼壽 放患震澹

虞至旦承靈億 靈寢鴻長 瑄壁纈桌權火配藜

毛拴既鬪椒馨爰糈 神之出排玉房神之行旌容容

騎沓沓 穆將愉兮上天之緯佻正嘉吉以候景至佳

氣焜于樵蒸美光流于陔陞 肸飾鸞路涓熙紫壇

縟儀豐藻 燕神億明 風恬星輝 乾熙坤恬協泰

齊豫 天地開除月星明概乾端坤倪軒豁呈露

惟聖人為能饗帝孝子為能饗親 挹太清秩羣望

日曜彤精天澄翠色 樂懸六代禮備三古奠惟蒼璧

藉用白茅 萬靈禋祀三辰合慶 五時昭鬯六宗彝

序 日月宣華卿雲流霽 鍾石昭融 就陽之位如

日之升 孝奏而日月光靈存而風馬下 本陶結以

致其忱合羶鄉以達其氣望秩羣祀懷柔百神 九賓

相儀百神受職 六宗隨兆五緯陪營 我深既絜我

酌惟明 百神警衛 桂燎蕭脂日下奉圖鮮虞守燎

彫禾飾筭翠羽承壘 星陳千仗之衛嶽峙重壇之陔

列耀秀華凝芳都荔 羽旄四合陔陞參登上壁左琮

之華合祛而信祝祖絕宗題之次更侑而迪嘗 采壇紺

席 歷吉習祥 龍旂耳耳鷺序振振 布蘭之齋藝

蕭之馨 躬接神於紫幄之次如坐拜於交門之前

斗杓直子日至以長禮具樂備千官宿裝皇帝齊被璽

案乃張服則大裘薦鄙亨飴器用陶匏莫不質良積以

繭栗純忱是彰田燭晰晰燿火煌煌升降裸獻明德馨
香天官列宿五嶽河江罔不順序從祀其旁百神受職
通乎肸鬯禮成而退隕祉穰穰瑞景和風神心如答
乘玉輅駕蒼虬措方珽服大裘旌旗霧卷冠蓋雲浮
覆玉葉之卿雲昭扶桑之初日楫羣望以咸秩列
衆靈以備祀帷帟雲黝疊俎鱗次金鏡光耀玉燭
融明萬玉鏘鏘龍駕四牡鸞旂九旒陟降既周
燎煙始升奔星走虹奉璧薦牲開閭闔兮闕清都后

帝燕兮百神愉圓錫蓋兮方獻輿岳輸固兮溟效濡

放惠靈符來顧來寧 蕙肴蒸兮蘭藉奠桂酒兮椒漿

旨酒令芳籩豆有楚 建表絕設郊宮田燭置權火

通 六瑚賁室八羽華庭 天儀穆穆 我有馨明無

愧史祝 序神服食用蠲大事 習歲維祥 乾端澄

霽冬序曠溫 其奉凖盛豐年之賜其陳牲醴民力之

存 居歆在上升監如答 淳濯圭絜 我鐘欽欽我

舞俛俛天妥於坐百靈來序 禮敬敕備求牛

周禮牛人凡祭

祀共其享
牛求牛

霽暘告旦祥飈掠塵從我髦士來祇精裡御

史肅吏司馬飾兵雲流日行海運天聲 弛威弧戢天

戈兮滅蚩尤而折欃槍執飛廉圍商羊兮羲和獻其光

明 候景初至載秩元祀奉裸圭而先祖聽奠瑄玉而

神示格 我將我享如幾如式 帝臨中垣四方承宇

登成甫田百鬼迪嘗 惟泰元尊媪神蕃釐鸞路龍

鱗罔不胥飾嘉籩列陳庶幾宴享 洎選休成天地並

况 展詩應律銷玉鳴 飾玉梢以舞歌 星留俞塞

隕光照紫幄珠煇黃月穆穆以金波日華耀以宣明

兆蒙祉福 滇滇高旂休嘉砰隱 象載昭庭雅聲遠

姚 神安坐鵝吉時神嘉虞申貳觴 璧玉精垂華光

雷電爍 勺椒漿靈已醉 馮螭切和河龍供鯉百

官濟濟各敬厥事 旌容容騎沓沓 靈連蜷兮既留

皇剡剡其揚靈 八騎揚衡雙龍翼蓋 呵風伯令戒

道制玄冥使司律 設天宗之六席授長發之二球

迎夷庚之翠輦 壽觴霞舉 福穰穰於絳闕 芳菲

非於玉笋 旗掩月車奮雷騫七曜燭九咳 天清地

晏夜星騰晰 和景晏溫卿霽緼緼 假廟之夕象載

昭察升燎之際衆星留俞 產百斯祥哀萬斯禧

炳霄蕭延四方九重開靈之旂垂惠恩鴻祐休靈之車

結玄雲駕飛龍羽旄紛靈之下若風馬 牲繭粟染威

香尊桂酒賓八鄉靈安留吟青黃 德修薦薄吉必泰

來 古者壇場有常處祭裡有常用犧牲玉帛雖備而

財不匱車輿臣役雖動而用不勞每舉其禮助者歡說

大路所歷黎元不知 其德足以昭其馨香其惠足以
同其民人 獻享之精交神積和之氣塞明 克羞饋
祀 靈承丹旅克堪用德惟典神天 帝王之事莫大
乎承天之序承天之序莫重於郊祀 合祛於天地神
祇祇戒精專以接神明 天地况施著見景象屑然如
有聞 上獵三靈之流

玉海卷九十三

欽定四庫全書

子部

玉海卷九十四

詳校官給事中臣查善長

主事臣祁韻士覆勘

總校官進士臣朱 鈐

校對官學政臣翁樹棠

謄錄監生臣王泰雲

欽定四庫全書

玉海卷九十四

郊祀

北郊后土

祭祀禮必以象類故祀天於南祭地於北

周祀北郊祭地於澤

禮大宗伯以黃琮禮地牲幣放器之色注禮地以夏至

宋 王應麟 撰

謂神在崑崙者也

祭大示帥執事而卜日

疏曰祀大示謂夏至

祭地於方澤

凡以神仕者以夏至日致地示

典瑞兩圭有

卽以祀地旅四望注謂所祀於北郊神州之神疏神州

既與郊相對宜用三陰之月當七月祭之 大宰祀大

示則掌百官之誓戒與其修 大祝凡祭示則執明

水火而號祝 大司樂乃奏大蕤歌應鍾舞咸池以祭

地示注地祇所祭於北郊謂神州之神及社稷云云於

澤中之方丘奏之樂八變則地示皆出注地祇則主崑

崙先秦是樂以致其神禮之以玉而裸焉乃合樂而祭之疏因下以事地故於澤中 牧人陰祀用黝牲毛之

注陰祀祭地北郊及社稷也 祭法瘞埋於泰折用騂

犢疏祭神州地祇於北郊 曲禮疏地神有二歲有二

祭夏至之日祭崑崙之神於方澤一也夏至之月祭神

州地祇於北郊二也或云建申之月祭之與郊天相對

大宗伯疏古尚書說地宗三岱山河海 通典王者父天母地故庖犧氏

俯而觀法焉顓頊乃命火正黎司地以屬人夏以五月

祭地祇殷以六月祭周制夏日至禮地祇於澤中之方
丘其丘在國之北禮神之玉以黃琮牲用黃犢幣用黃
繒王及尸同服大裘配以后稷凡樂函鍾為宮太蕤為
角姑洗為徵南呂為羽靈鼓靈鼗孫竹之管空桑之琴
瑟咸池之舞夏日至於方丘奏之若樂八變則地祇皆
出可得而禮矣其神州地祇謂王者所卜居吉土五千
里之內地名也玉用兩圭有邸牲用黝犢幣用黑繒其
壇於北郊築土為壇名曰太折配亦以后稷其樂奏太

族歌應鍾舞咸池以祭地祇備五齊七獻席稟秸蒲越
及雞人呼晨司樂宿懸掌次設次大宗伯攝亞獻並如
圓丘王每獻酒皆作樂一終

漢汾陰后土祠

餘見寶鼎類

紀元鼎四年十月幸汾陰十一月甲子立后土祠于汾

陰雎上

如淳曰汾陰治河之上后土祠在縣西汾在雎之北西流與河合

詔曰祭地冀州

云云

志天子郊雍

元狩元年

曰今上帝朕親祠而后土無

祀則禮不答也有司與太史令談祠官寬舒議天地牲

角繭粟今陛下親祠后土宜於澤中圓丘為五壇

通典曰方

五丈高六尺 郊天有五時故后土亦為五壇

壇一黃犢太牢具已祠盡瘞而

從祠衣上黃於是天子東幸汾陰汾陰男子公孫滂洋

等見汾旁有光如絳上遂立后土祠於汾陰雕上上親

望拜如上帝禮 紀元封四年三月祠后土詔曰朕躬

祭后土光集靈壇一夜三燭幸中都宮殿上見光其赦

汾陰六年三月行幸河東祠后土神光三燭太初元年

十二月祠二年三月幸河東祠夏四月詔曰朕用事介

山祭后土皆有光應天漢元年三月行幸河東祠后土

宣帝神爵元年三月行幸河東祠后土神爵翔集

宣帝修武

帝故事間歲正月一日至河東祠后土 詔曰迺元康四年嘉穀玄稷降于

郡國東濟大河天氣清靜神魚舞河幸萬歲宮神爵翔

集

注晉灼曰黃圖汾陰有萬歲宮

五鳳三年三月祠后土詔曰單于稱

臣北邊晏然朕郊上帝祠后土神光並見甘露降神爵

集甘露二年三月祠后土神光耀燭齋宮元帝初元四

年三月幸河東祠后土永光五年三月幸河東祠后土

建昭二年三月幸河東祠后土成帝建始元年作長安

南北郊罷祠永始三年冬十月庚辰皇太后詔復后土

祠四年三月幸河東祠后土

揚雄上河東賦曰伊年暮春將瘞后土禮靈祇謁汾

陰于東郊因以勒崇垂鴻發祥隲祉

元延二年三月幸河東祠后土綏和

二年三月幸河東祠后土光武建武十八年二月甲寅

西巡狩幸長安三月壬午祠高廟遂有事十一陵歷馮

翊界進幸蒲坂祠后土注漢官儀曰祭地於河東汾陰

后土宮宮曲入河古之祭地澤中方丘也以夏至日祭

其禮儀如祭天后土祠在今蒲州汾陰縣西北 禮樂

志武帝定郊祀之禮祭后土於汾陰澤中方丘也郊祀

歌帝臨中壇四方承宇清和六合制數以五

注此
后土之歌

土富媪昭明三光穆穆優游嘉服上黃后皇嘉壇立玄

黃服物發冀州兆蒙祉福沛施祐汾之阿揚金光橫泰

河徧臚驩騰天歌 漢武故事帝行幸河東祠后土顧

視帝京忻然中流與羣臣飲燕作秋風辭曰汎樓船兮

濟汾河橫中流兮揚素波 括地志后土祠在蒲州汾

陰縣北十二里

漢舊儀名曰汾
葵一曰葵丘

隋志王元規議曰案

前漢黃圖后土壇方五丈高六尺

漢雒陽北郊

魏方丘

晉北郊

世祖紀中元二年正月辛未初立北郊祀后土 志北

郊在雒陽城北四里為方壇四陛 漢官儀北郊壇在

城西北角去城一里 通典後漢光武中元二年營北

郊祀地祇云云明帝永平二年正月上丁祀南郊畢次

北郊魏明帝景初元年祀方丘北郊晉泰始二年并圓

丘方丘於二郊成帝咸和八年立地郊康帝建元元年

正月辛巳祀北郊齊建元二年正月次辛祀北郊梁制

為北郊壇於國之北

常與南郊間歲正月
上辛祀后土于壇上

元魏太和

二十年五月丙戌營方澤於河陰丁亥有事方澤後周
保定元年正月壬子建德六年五月己丑祀方丘隋開
皇三年五月辛酉親祀方澤

漢魏北郊

齊志蔡仲熊議魏高堂隆表九日南郊十日北郊十一

日明堂十二日宗廟則周禮二漢及魏皆不共日矣王
儉議春秋感精符云王者父天母地則北郊之祀應在
明堂之先漢魏北郊亦皆親奉晉泰寧有詔未及遵建
咸和八年甫得營繕太常顧和秉議親奉康皇遵用今
宜親祠北郊明年正月上辛祠昊天次辛瘞后土後辛
祀明堂車服之儀率遵漢制南郊大駕北郊明堂法駕
詔可永明二年宋志漢文帝初祭地祇於涇陽以高帝配
武帝立后土祠於汾陽亦以高帝配漢氏以太祖兼配

天地未以后配也王莽作相引周禮享先妣為配北郊
夏至祭后土以高后配光武建武中不立北郊故后地
之祇常配食天地山川羣望皆在營內凡一千五百一
十四神中元年建北郊使司空馮魴告高廟以薄后配
地江左初未立北壇地祇衆神共在天郊晉成帝立二
郊天郊則六十二神地郊則四十四神二郊所秩官有
其注咸和中議別立北郊同用正月 永初三年九月
奏高祖配天郊武敬皇后配北郊明年孟春有事於二

郊 通典唐賈曾上表郊之於廟俱有禘名禘廟則祖宗之主俱合於太祖之廟禘郊則地祇羣望俱合於圓丘以始祖配享三輔故事漢祭圓丘儀上帝位正南面后土位亦南面而少東東觀漢記云光武於洛陽城南為圓壇天地位其上皆南面西上按兩漢時自有后土及北郊祀而此已於圓丘設地位明是禘祭之儀 左傳疏鄭玄注書多用讖緯言天神有六地祇有二天有 天皇大帝又有五方之帝地有崑崙之山神又有神州

之神晉泰始初定南北郊祭一地一天用王肅之義

唐志梁祭地祇陰陽儀注二卷方丘制度後漢為四

陛高六尺陳宣帝增壇高二丈二尺隋唐皆為八陛

禮周

注琮八
方象地

唐方丘 祭神州 武德詔書

通典唐制夏至祭皇地祇于宮城北郊十四里為方
丘壇因隋制以景帝配神州岳鎮海瀆山林川澤丘陵
墳衍原隰從祀地祇用黃犢神州用黝犢孟冬祭神州

於北郊景帝配貞觀中高祖配北郊

舊志褚亮作祭神州樂章八首迎送

神用順和

永徽中廢神州之祀

許敬宗奏地分為二請合為一祀

乾封初又

詔復之

會要二年五月二十三日詔皇地祇壇依舊置於渭水北

二年以高祖崇配

方丘等祀

許子儒傳乾封初

二年

帝已封禪復詔祀感帝神州以

正月祭北郊司禮少常伯處俊等奏神州本祭十月

以方陰用事也玄說三王之郊一用夏正靈恩謂祭

神州北郊以正月願會奉常司成博士議子儒等言

北郊月不經見漢光武正月建北郊晉成帝咸和中

議北郊以正月武德以來用十月請循武德詔書

通典

奉常博士陸遵楷議云云武德禮令用十月陰用事故於此時祭之

太極元年

即先天元年

正月將有事南郊有司議唯祭昊天

賈曾議復設地祇位辛巳祀南郊五月戊寅祭北郊開元二十一年夏日至祀地祇于方丘以高祖配立冬祭

神州于北郊以太宗配

周禮典瑞兩圭有邸以祀地注謂所祀於北郊神州之神正義

案河圖括地象崑崙東南萬五千里神州是也但三王之郊一用夏正未知神州用何月祭之或解郊用三陽

之月神州宜用三陰
之月當七月祭之

會要天寶元年二月二日敕皇

地祇宜如南郊合祭二十日合祭天地于南郊大曆十

二年八月增修北郊壇齋宮二十五間

唐汾陰祠后土

張說傳

兼紀

開元十一年帝自東都將還京正月己巳因

幸并州兵部尚書說見帝曰太原王業所基陛下耀威

武以伸遠思繇河東入京師有漢武雎上祠願紹墜典

為三農祈穀帝納其言二月壬子如汾陰祠后土會

要通典開元十二年二月二十二日

張說述聖頌亦云
十一年此恐誤

祠后土汾陰睢上太史奏榮光出河休氣四塞祥風繞
壇日揚其光初有司奏修壇掘地獲銅鼎二又獲古軌
有篆書千秋萬歲長樂未央字又赤兔見壇側 地理

志河中寶鼎縣本汾陰開元十年獲寶鼎更名有后土

祠

舊志十一年祭汾陰樂章十一首韓思復等作
嘉貞為壇場使張說為禮儀使說為握乾符頌曰汾

睢寶鼎見岱
宗卿雲蔚

紀開元二十年十一月辛丑如北都庚

申如汾陰祠后土大赦賜文武官階勳爵諸州侍老帛

玄宗製后土祠碑曰雎上祠者本魏地鄧丘之舊漢

家后土之宮汾水合河梁山對麓歲在癸亥

十一年

始有

事于茲焉二十年冬勒兵逾萬騎旌旗亘千里校獵上
黨至于太原赫威戎於朔陲霈展義於南夏肆覲東后
懷柔百神已未師頓于齋宮庚申親祀于后祇聖考在
天侑而作主往者漢氏之祠也牲以養牛五歲繭粟無
所貴其誠藉以采席六重藁秸不得尚其質朕因其地
而不因其儀咨故實於方澤不遂過於元鼎於戲享于

克誠介以繁祉黃雲蓋於神鼎絳光燭於靈壇自昔已
然乃今復見銘曰至哉坤元萬物資生王者母事德合
天明彼汾之曲高旌傑異景象遺光壇場舊位意多漢
武跡在橫汾風流可接簫鼓如聞壽宮創制神鼎勳
會要二十年欲幸太原中書令蕭嵩上言十一年祀
后土祈穀累歲豐登有祈必報請行報禮十一月二十
一日祀后土旌上禮畢刊石祠所上自為文
憑休和
惠黎獻

官志汾祠令一人開元二十一年置

景德神州壇

三年三月二十七日己巳翰學判太常寺李宗諤言神州地祇壇墮迫隘不合禮文請於黑帝齋宮北別選壇位遂度地徙壇於方丘之西 皇祐二年八月三日詔以親饗明堂罷立冬祭神州地祇三年九月十七日詔太常寺皇地祇壇舊制狹小宜如唐郊祀錄增廣之 國朝因唐制皇地祇祭以夏至作方丘宮城北十四里神州祭以孟冬別為壇於北郊 熙寧祀儀祭皇地祇

壇八角祭神州地祇壇四十八步高五尺元豐三年七月二十五日詳定禮文言今變方丘為園壇神州雖築方壇而復無坎皆不應禮請並為方壇壇之外為坎從之

祥符祀汾陰

記

朝覲壇受朝賀

開寶九年詔徙汾陰后土祠於舊廟稍南太平興國四年詔重修后土廟 大中祥符三年六月癸丑河中府進士薛南等請車駕躬祠后土七月辛丑文武百僚繼

請八月丁未朔詔以來年春有事于汾陰上曰但冀民

獲豐穰於朕躬固無所憚戊申以陳堯叟為祠汾陰經

度制置使李宗諤副之

一本云王旦為大禮使

庚戌命晁迥楊億

杜鎬陳彭年王曾與禮院詳定祀汾陰儀注乙卯詳定

所言請如封禪之禮又言后土壇制度按開元禮及義

纂方丘之制八角三成每等高四尺上闊十六步設八

陛為三重壝量地之儀四面開門又為瘞坎於壇之壬

地外壝之內依此修築又請造玉冊玉匱金繩金泥

酌獻

地祇用博
安之曲

辛未內出睚上后土廟圖令陳堯叟量加修

節九月甲午命宰臣王旦撰祀汾陰壇頌

四年十二月
未王旦上

之知樞密院王欽若撰朝覲壇頌十月甲子翰學晁迥

上祀汾陰親謁后土廟樂章十首

先是十月己酉令學
士院制撰登歌靖安

博安
二曲已巳命陳堯叟撰親謁后土廟頌

堯叟傳詔撰親
謁太寧廟頌

十二月二十六日詔大官進蔬食宰臣百官繼請御常

膳已巳帝因作奉天芘民述以示王旦等四年正月十

一日己酉上親習儀於崇德殿

初有司詳定止習壇上
儀上并廟庭及封石匱

儀等習

丁酉備鑾駕儀仗發京師二月癸丑次河中府甲

寅以馮起為考制度使趙湘副之丁巳至寶鼎縣奉祇

宮

有黃雲隨天書輦

戊午齋穆清殿

先是三年十月庚戌賜寶鼎縣行宮名曰奉祇前殿

清

庚申二鼓上乘金輅法駕繼進自縣至睢壇夾道

設燎周以黃麾仗辛酉上服袞冕登壇祀后土地祇奉

天書於左次以太祖太宗配侑親封玉冊玉匱少頃服

通天絳紗乘輦至后土廟設登歌奠獻

司天監言黃氣繞壇月重輪大

角光明羣臣拜舞稱賀

詔改奉祇宮曰太寧壬戌御朝觀壇受朝

賀肆赦賜酺宴羣臣穆清殿上作汾陰二聖配饗銘

建寶

鼎縣為慶成軍隸河中府給復二年乙丑丁謂而下以禮成獻歌頌者四十有三人付史館 丙寅作

汾陰禮成詩賜百官四月甲辰朔至自汾陰丁未作西

祀還京歌

張師德獻汾陰大禮頌于行在是歲舉進士第一許洞進三盛禮賦召試中書

己未

詔雕上后土廟上額為太寧大殿周設欄楯壬戌增葺

宮廟六年八月丁丑參政丁謂上新修祀汾陰記五十

卷詔褒之

書目五十卷自降御札記雕上立御製二聖配饗銘碑目錄二卷

七年十一

月壬辰陳堯叟上汾陰補記三卷

史記正義括地志云汾陰故城俗名殷湯城在蒲州汾陰縣北九里漢汾陰縣也后土祠在今縣北十二里國史志汾陰后土故事三卷自漢至唐不知撰人

元豐北郊壇

詳見郊祀

元豐六年五月九日甲申禮部言太常定郊祀之歲夏至親祭北郊及上公攝事儀是年郊天始罷祭地祇七月九日庚申太常定北郊壇制方丘三成每等高四尺設八陛三墻每墻各二十五步舊壇八角三成今改八

角為方壇則其陛為四從之

壇高一丈二尺設四陛

七年六月甲

戌禮部言方丘樂舞並準親祠從之元豐三年八月二十七日詔夏至祭地太尉用中書門下攝元祐七年十一月十四日癸巳設地祇位于圓丘合祭

紹聖北郊

三年正月戊午詔夏至躬祭地祇于北郊實未嘗行六月乙酉詔立北郊齋宮於瑞聖園四年五月禮官定親祀北郊儀注元符元年正月甲戌幸瑞聖園觀北郊齋

宮 元符中太常少卿宇文昌齡議曰天地之勢以高卑則異位以禮制則異宜以樂則異數至於衣服之章器用之具日至之時皆有辨而不亂夫祀者自有以感於無自實以通於虛必以類應類以氣合氣然後可以得而親可以奠其格今祭地圓丘以氣非所合以類非所應而求高厚來享不亦難乎

政和祭方澤

四年五月十二日丙戌親祭地于方澤六月朔御製夏

祭禮成神應記七年五月十四日宣和二年五月十八
日丁巳五年五月二十一日親祭 陳暘北郊祀典三
十卷

玉海卷九十四